

萬載縣志卷十九

名宦

南齊

嚴植之字孝源建平秭歸人齊永明中起家為廬陵王國侍郎

建武中遷員外郎散騎常侍尋為康樂侯相在縣清白民吏

稱之天監二年板授後軍騎兵參軍事補

按隋書百官志諸公已下臺為選置相掌知百姓事則相

即令長也侯不之國相代治其食采而納其貢稅焉康樂

相史志缺畧僅得嚴孝源一人今據梁書補傳其長史劉

濟重孔奐二人見於晉書陳書者無在縣事實輒於秩官

萬載縣志

卷十九 名宦

一

補之不另傳

後唐

辛開宣字敷謨號介岐山西孝義人唐天祐四年進士後唐長

興二年官萬載勛勳保釐任誠守廉嘗語人曰官秩何論崇

卑祗期上不負君下不負民耳民咸戴之以疾卒於官葬龍

山下後裔竭來尋墓遂家萬載

按唐書百官志縣令下止有丞簿尉無所謂幕幕係宋代

官名所謂幕職官也掌裨贊郡政總理諸案文移斟酌可

否而罷行之舊志名宦云任幕官官師云幕即尉誤矣府

志邱墓既引通志云長興二年由進士為萬載幕官又稱

南唐進士秩官則稱南唐縣尉是以長興爲南唐年號尤  
誤查文獻通考天祐四年進士二十人諸科二人舊志稱  
天祐進士本屬有據特所任何官不當鑿指耳乃塚廟記  
云辛棄疾其後裔舊志踵謬摭及伸甫次膺質之宋史世  
系各判今依辛氏族譜正之

宋

晏防字宗武臨川人丞相殊從子寬厚好學安於義命不可榮  
辱主崇仁簿遷萬載丞行李蕭然遣家奴致米乃得歸赴調  
卒於京 采宋史補

徐升字公允豐城人進士宣和間任主簿值凋殘之後墾田六

萬載縣志 卷十九 名宦

二

千餘頃公私交裕遷盱江丞累遷知蘄州安定郡王令疇鑒  
裁甚高稱其作邑以詩書宜民冰雪自守罷官不持一錢 采  
府志參豐城志補

方南卿字明夫靖康間上時弊方畧補大治縣尉改萬載以捕  
盜功遷知德安 采饒州志補

徐昇紹興二年知縣事先是金人陷豫章邑人連年被兵叛將  
杜產肆焚劫曹成馬友之衆乘虛入寇比昇蒞任潰寇劉忠  
張成復蟠踞山谷間城邑爲墟昇乃乞師討平重建縣治招  
復流離境賴以安崇祀名宦 舊志參修縣治記

張祖順字和卿四明人紹興間任縣尉有盜竊發躬勒部伍禽

得之念迫窮困致此以自首論盜得不死然奸宄自此斂跡

改龍游令累遷知梅州 采攻媿集補

范如璋字仲達 一作伯達 建陽人紹興間知縣事行保伍法奸宄無

所容每有疑似之人保伍必傳送至縣驗其無他方令出境

訖任滿無一盜後張定叟守袁朱子求得其法曰此人有小

力自來言保伍未有及之者璋又請取回筠州寄納事雖不

成民甚德之赴召知廉州 采嘉定志福建通志補

祝勛三衢人淳熙中知縣事時學官為監市所據學官生徒皆

寓古寺勛恢復舊址一新之祀名宦 采通志

錢文字文敘崇德人進士初為當塗縣尉捕獲私貨茶商數十

萬載縣志

卷十九 名宦

三

人法當進秩力辭之淳熙中知萬載能聲益著趙汝愚薦可

大用不果除知循州官至朝奉大夫 采萬姓統譜

王僕紹興人嘉泰二年知縣事心計詳明善關防滲漏故賦之

已虧失者皆復舊額縣治庠陋撤而新之發豪民易谷梁之

惡逮赴詔獄奸猾屏跡祀名宦 采嘉定志通志

林景達福州人嘉定間知縣事政尚誠信民不忍欺決事得情

嘗臥病民皆祀佛以禱竟不能起邑人哀之臨終戒其子曰

我瞑目後切不可聽吏人語妄破官錢其清潔如此祀名宦

采嘉定志

冷應徵字公定分寧進士淳祐初以范應鈐薦知縣事大修學

舍招俊秀教試之旌其通經飭行者以勸歲饑下令收養棄  
孩棄者不得復問全活甚多葉夢得一作鼎知袁州列其治行  
以勵他縣祀名宦 參府志

鍾季玉字之純德興 宋史作樂平進士涪祐間知縣事興學飭政李

廷芝薦於朝後為秘書丞死節 采宋史參德興志補

明

趙中字允中懷寧人洪武初知縣事當紅巾亂後城中不滿百

戶勞來安撫民爭歸之致七百餘戶遂置坊廂縣廳譙樓廟

學皆其所建祀名宦 參通志

賈志通淮安人洪武初知縣事寬裕愛民先是趙中建廟學未

萬載縣志

卷十九 名宦

四

備志通捐俸倡民卒成之生徒課程躬自稽督秩滿去士民

懷思不置祀名宦 參府志

束清丹徒人舉人才洪武間知縣事慈惠廉明儉以自奉貧民

逋賦不能償者清鬻衣帶悉代完之祀名宦 參一統志

舒仲誠貴池人太學生洪武間知縣事為政嚴明處斷平允招

徠逃亡勸富室貸種穀勿收其息資以房舍農具民翕然歸

之嘗朔旦謁廟里婦有篝燈晨績者賚之粟布由是相勸以

勤擢湖廣按察司僉事祀名宦

董匡番禺舉人永樂間任教諭風儀峻整學問賅洽與諸生講

論極其婉摯不以師位自尊尤工吟咏搢紳多推重之擢浙

江道監察御史

參府志

張暉公安舉人宣德元年任訓導樂易誠愨博通經史勤於啟迪及去生徒相率餞送有揮淚者

李璟沅陵舉人宣德間任教諭學富品端有就正者不索摯餽諸生多所造就

汪悠久餘姚太學生宣德間知縣事法制嚴整洞察隱微先是邑逋賦有至六七年者民逃亡過半悠久至爲奏免之鄰境寇燄方熾百計堵禦民獲安業祀名宦

參通志

張受才寧化吏員宣德間任縣丞清廉勤慎先是徵科無紀吏緣爲奸受才於里分設甲總以便稽核又於便地置倉屯斂

萬載縣志

卷十九 名宦

五

以時轉運耗費悉定規則自是賦稅均平去日單騎隻輪所攜書畫筆札而已民有護送至家者

參府志

李燦福清進士正統間知縣事實猛得宜訟獄屢空每朔且詣學勉勵諸生寬其徭役士翕然向學都御史韓雍以廉能薦升衡州通判祀名宦

周濟大治監生正統間任縣丞佐政有方法舉情達人無異議修葺公署祠廟橋梁弗糜弗擾藩臬交薦擢用尋以憂去

施琦正統間任縣丞盡心職務不以可否事爲嫌蜀江險峻兼陂堰梗流賦運常苦覆溺琦請定每稅一畝科徵本色米五升二合餘折徵銀布民甚便之

劉融涪州舉人景泰間任訓導識量宏遠爲諸生講授經義每夜分不輟貧者助給薪水士佩服之

邢廷楨金華賢良方正成化二年由廣州經歷擢知縣事明敏平恕撫恤莞獨尤摯民苦餉官馬力請於公府得免重累祀名宦 參通志

陳琛海陽舉人成化間知縣事字良擊奸積粟賑貧營學校葺廡宇建橋梁每遇旱潦虔禱卽應時有雙虎噬人琛爲文禱於城隍神虎竟遁跡咸謂異政所致云 參祥異志

喻濬高陽舉人成化間任教諭先是邑乘未有善本濬莅任九年博采廣詢刪繁補缺釐爲四帙鈔版以行後修志得所祖

萬載縣志

卷十九 名宦

六

述濬之功也 參原序

陳瑤字仲華全州進士成化間知縣事持已廉愛民惠任法恕釐弊嚴勸農興學訟簡徭清升御史愬官至都御史祀名宦

黃琪永興進士宏治初知縣事裁決如流庭無稽訟修學宮範祭器招懷流徙儲穀備荒練兵弭盜皆善政也薦擢刑部主事升江西按察司僉事 參湖南志

朱憲山陰舉人宏治間任教諭該洽端重訓諸生以經學爲要人咸奉爲卒業師以秩滿去後官南康同知

顧英字順中慈谿進士宏治間知縣事大姓多匿田英爲清版籍不貸豪右齊民輸賦如歸升南京御史四川建昌兵備副

使朱萬姓統譜補

韓憲蕭山舉人正德間知縣事劇繁治劇剛果敢爲廢墜多舉吏不敢欺方痛懲豪俠之亂民者會得疾卒

羅聰桐廬歲貢正德間任訓導操履清慎待諸生恩義兼至貧不能自給者捐俸與之卒於官有送柩至數程者

系府志

吳蒙崑山歲貢正德間任訓導每月課藝親爲點定聞善若出諸已尤磊落多義舉致仕後督學周來袁與之同里諸生拜問風耗知其行誼終始如一云

陸敬蘭谿舉人正德間知縣事多惠政巨豪數爲盜璫雍獮靡遺富戶欺官誣民者繩以法值歲饑多逋賦檄催蠲集敬自

萬載縣志

卷十九 名宦

七

繫就訴民咸願以身代璫曰父老母自苦吾寧以此去官不忍爾輩流離也勸課生徒撫卹孤寡皆極盡心後竟以誘調民哭送遂留思慕不置祀名宦

林同字宜正號龍峯晉江舉人正德間任教諭嘗從蔡清遊學有指授故其教人尤嚴義利之辨剛正不阿諸生暨所交遊懷回邪者望之竦然或因而改圖焉督學邵重其行甚獎異之充湖廣分考升金華教授

林山字士仁長樂進士嘉靖間知縣事政尙簡易民無苛擾行量田法民甚便之以最擢戶部主事後知徽州府

胡文光黟縣舉人嘉靖間知縣事詢瘼察隱善政甚多迎春亭

養濟院南儲倉皆所建也中丞劉光濟疏薦於朝加秩留任  
復念民艱食起立城南及四鄉社倉勸民實粟其中斂散以  
時水旱有備民甚德之 采修社倉記補

王廷稷字民育晉江舉人嘉靖間任教諭醇厚好學清約自守  
課諸生分俸以給筆札擢四川營山令歷官雲南右叅議

福建省志

徐一唯蘄水進士隆慶間知縣事沈毅果決置學田以贍師生  
定瀏陽豪戶廣洞爭地之亂擣巨寇李大鑿民賴以安爲立  
生祠升南京戶部主事祀名宦

曾宜勉廬陵人由儒士舉任訓導儀表端重克振學規而蘊蓄

萬載縣志

卷十九名宦

八

宏深善淑諸士雖黎庶亦服德漸化去後長頰不泯

鍾萬祿號贊宇清遠進士萬曆間知縣事廉勤竝著清積通禁  
私宰緝盜賊服水莽者嚴治之斃則押令家屬殯葬輕生以  
絕先是上高高安浮橋守者多訛索舟子病焉萬祿申請上  
憲勒石永禁以調繁去後升戶部主事官至副憲

畢懋良字師臯一字見素歙縣進士萬曆間知縣事壤接瀏陽  
民苦公賦多逋逃懋良捐夙負給牛種使得墾荒民稍稍還  
集念南糧解戶賠累僉南布竝解就所發布價營息以紓其  
力他若立社倉革火耗裁樣鹽禁差船課士修學皆優爲之  
居官日食豆粥家人不堪懋良曰若不官安所得食秩滿升



禮部主事祖道日父老數百人泣送出境張生紹渠獻詩有  
云買牛給種桑麻盛捐俸空囊豆粥香蓋紀實云官至戶部  
侍郎總督倉場祀名宦

倫應祥西寧舉人萬厯間知縣事政尚嚴明力鋤強暴陵訟者  
必寘之法值洪水米價騰貴應祥便宜行事卽出南米發糶  
嚴懲搬運射利者饑民得甦臺薦擢知蘄州祀名宦

姚繼舜號虞廷桐鄉舉人萬厯間知縣事性恬淡迎養不以帑  
隨一切刑杖奉父命悉從輕省命案必詣城隍祠勘詰剖決  
如神先是無賴者多服水莽詐人財往往致死繼舜遇服毒  
案卽不拘訊命各處剗去其根自是少息歲饑設賑遇痢疫

施藥皆出清俸全活甚多嘗榜一聯於門曰鄉井有田宜早  
種縣庭無事莫頻來想見勸農息訟之政至其葺學宮修預  
備倉建康樂橋復買田爲修橋費皆可紀者邑人爲立生祠  
升工部主事後知高州府祀名宦

韋明傑字叔萬號青岑烏程進士崇禎間知縣事實直明決愛  
士恤民時值增餉加派民不堪命明傑具詳告疲頻駁頻覆  
得較他邑稍減纂修邑乘著有顓天四議康樂民隱六冊聽  
雨齋集尤篤志好學山川勝境無不周厯題詠每月課試諸  
生選其尤者延入署內讀書衙署文廟城隍祠鳳真閣皆捐  
俸重修在任九年焦勞勤苦昕夕不遑後謫去士民惜之祀

名宦

徐學禮字約我蕪湖人崇禎間由安慶府訓導升本邑教諭尙儻有才倡修文廟督工數月告成選本府教授

陸朝貴瓊山吏員崇禎間任縣尉不挈家眷一主一僕行李蕭然居一年以病歸臨行題壁間詩云我來何所有清風兩袖歸可想見其廉潔云

唐昌齡字吾修華亭進士崇禎間知縣事年少好學以文學匡吏治以撫字恤民艱廉介誠恪士民慕之

曾宜高字清仲順德舉人崇禎間知縣事慈惠簡易視民如傷邑人以外公稱之壬午窩賊猖獗偵宜高將解任相戒曰且

萬載縣志

卷十九 名宦

毋劫城驚動外公宜高聞之卽督義兵勦捕殲賊魁焉解任時作詩別士民有里巷傳呼爲外祖之句蓋紀實也

余昌祚字叔正進賢歲貢崇禎間任訓導性甚端嚴教人以正心術爲要諸生有過舉必面規之所著有正心論飛鳶草春秋繁露纂訂書經講義陰符經註孫子十三篇註及古文稿當鼎革之際避居潭埠死之日家無宿糧殯葬罔措近鄉士民皆攜斗米尊酒斂金以賻焉

國朝

杜章卿新建人歲貢任邑訓導順治二年署知縣事招募義勇捐貲助餉會瑞州李凌虹等作亂連破上高新昌直逼萬載

典史營弁皆遇害章卿衝鋒力戰被執不屈死采南昌府志補

高鵬起字搏九曲沃進士康熙間知縣事寬厚廉勤不挈家累自理案牘蠲逋賦數百兩招逃亡數千家課士尤勤每月雨會初下車訪疾苦紳士陳利弊十二事並見聽從吏畏民懷文學政事俱優以病去采山西志

吳自肅字在公號克庵海豐進士康熙間知縣事爲人慷慨有大節莅任三月卽值逆藩寇長沙傳僞檄招降棚寇乘機起人情洶洶自肅擒獲僞使設法勦捕民稍安堵時大兵駐袁郡守檄自肅至郡助辦軍需或議開濠溝自肅以勞民動衆力止之邑兩遭兵陷民亡田荒自肅繪圖詳報前後至數萬

萬載縣志

卷十九 名宦

十一

言課士有作文家法升內閣中書去合邑戴德共建講堂立木主祀之并祀名宦

劉報玉峽江人少負勇畧有氣概旣隸戎伍康熙間隨營防守萬載寇襲城冒矢石先驅平復白良勦高城斃坪石嶺白水諸賊以功授袁臨鎮標後營把總逆賊揭玉卿兄弟又猖獗力破之擒其渠魁拔補臨江千總尋升守備甫二載解組歸田口不談兵采峽江志補

常維楨字晉臣號白山廣寧人康熙間知縣事年甫弱冠精敏聰察吏莫能欺下車誓於城隍神曰某祇飲萬載水不要一文錢違則殛之在任七年清白如一值兵荒游加後民多死

徙招徠撫字不遺餘力丁缺田荒檄催逋賦甚急維楨瀝陳  
慘苦民得從容完納公餘少暇卽力於學工詩賦及書法修  
學宮設義學葺衙署纂邑乘俱捐俸倡理升行人司士民建  
講堂祀之

何錫命字康侯廣寧例監康熙間知縣事廉勤明決百廢具興  
舊治傾圮捐俸鼎新之改按察司行衙爲常平倉復於學宮  
旁建立義館聚生徒其中擇名師課之勞來備至邑遭寇變  
錢糧尾欠盈千頃囊墊解去之日邑人立去思碑采去思碑補

施昭庭字筠瞻號寄篁嘉善進士康熙間知縣事精勤嚴密雖  
黠吏猾役不能欺下車後卽倡修文廟禮賢士有知人鑒癸

萬載縣志

卷十九 名宦

三

卯臺灣逸賊溫上貴嘯聚岐源倉卒猖獗偵者遇游寇以大  
隊臨城報昭庭秉刃立堂上以節自矢旣少緩設方畧立賞  
格招徠義勇指揮擒勦晝夜率吏卒巡城賊畏不敢出卒以  
撲滅事平逆案糾紛虛心平反不妄羅一人先是將弁挾昭  
庭出結欲借勦寇以肆掠昭庭力拒不允一切軍需悉捐俸  
資給概不擾民以故事雖旁午耕鑿晏然踰年以勞瘁得心  
病告歸檢閱徵冊民欠尙數百悉爲墊解窮簷歌舞之以上因舊志

施士昌字繁安宜春人性孝友精明勇幹任本府協標把總調  
萬載溫上貴之亂士昌率兵勦捕奮勇追擊上貴竄鄰境被

獲邑頌以安

采宜春志補

許松佶字吉中閩縣吏員雍正間知縣事時邑城積久未葺捍蔽無資松佶倡修保障屹然爲政一本剛直無稍阿徇豪猾憚之 以下新輯

汪元采字蔚觀京山例監雍正間知縣事實厚愛民如子邑有積墜荒田萬難開墾時議欲復舊額元采親爲勘實力陳於上因得分別陞科糧免虛賠以隨漕分徵不便於民得請與地丁并徵康樂下嵐二橋及康樂祠常平新豐二倉寅賓館悉捐俸倡修邑乘殘缺重率紳士編訂去後邑人鐫刑清政簡士樂民安八字於石

萬載縣志

卷十九 名宦

三

嚴在昌字季傳仁和進士雍正間知縣事立法嚴明豪強斂迹捐俸五百餘金創建龍山書院去任後復捐金置膏火田其與諸生講藝孳孳不倦選名家文二百篇評點授之紳士晉謁者惟以勤學問端品行相勸勉士氣益振是時營房在學宮後在昌謂非宜倡捐移建凡城陷者補修之一不累民遷調後人猶稱道不置

江元璐上元舉人乾隆間知縣事爲政一本慈祥有漢劉寬之風而折獄致刑民志畏服嘗謂民皆三代直道常行其淺薄刁惡者由吏不以古治治之耳至今稱遺愛焉

曾鴻字厚畬新城舉人乾隆間任教諭資性方正詩文稱法家

邑學少根柢鴻主持風雅以六經諸史及莊騷秦漢李杜韓  
歐諸集令諸生沈潛諷詠每月課必自立一程以爲模範筆  
有鎔鑄縱橫跌宕文體爲之一振後登癸未進士任河南沈  
邱知縣

張立中銅仁舉人乾隆間知縣事勤敏清廉息民養士自奉澹  
如額署廳曰節愛堂值歲饑捐俸賑卹每更深自行巡訪盜  
藪奸窟鋤刈無遺卸事後宦橐蕭然餽贐概卻不納曰吾本  
慣清貧此去教讀儘可自給無爲汝輩憂也人以廉能稱之

楊長佐江津進士乾隆間知縣事爲政不事苛刻而聽斷明決  
邑無滯訟作養人材增置龍河書院脩金丁艱時因累留萬

萬載縣志

卷十九 名宦

十四

父老奉雞酒者無虛日

王文明龍南舉人乾隆間任教諭愛恤生徒有受業者口講指  
畫終日不倦文體少乖必痛劓乃已一時問字之車盈門

高蟠善化舉人乾隆間知縣事愛民息訟值歲荒有童子橐金  
市粟中途遇害獄久不具適有素不諧俗者衆思陷之蟠知  
其無辜曰鍛鍊成獄吾不忍也與殺一不辜毋寧自棄一官  
勘案不動聲色委曲開導動以天性民不忍欺間有爭訟幾  
愧履君子之庭後因新例迴避自請調去民挽留不得共相

惋惜

下坦綸儀徵舉人乾隆間知縣事英敏果決紀度修明訪邑中

疾苦首取稔惡害民者放流之德威並著人咸畏服

來珩蕭山進士嘉慶三年知縣事有幹材臨事勇決民多憚之  
縣試向無考棚集紳士捐建旁闢培風講堂精心校士不可  
干以私表章節孝詳請緩征皆可稱焉

衛鵠鳴字松甫大名進士折獄非所長而安靜不苛迴殊俗吏  
公暇則泚書院與諸生講究文藝脫略官體諸生亦樂親之  
後多以科名顯喜山水工吟咏每公事出鄉遇勝地輒流憩  
鄉人或進村醪席地引樽爲盡歡乃已與邑人士唱和成編  
所著西村課草辛少宰爲之序

武穆洵偃師舉人道光五年知縣事明敏折獄忠信服人尤嘉

萬載縣志

卷十九 名宦

十五

惠士林增置龍河書院膏火並捐廉購十三經注疏牒存各  
義塾俾資講誦解任時猶諳諳以崇尚寔學爲勗

陳文衡龍巖州進士廉明慈惠待士尤殷憫遠方學者負笈維  
艱於邑西大橋捐廉倡建東洲書院一切章程皆手裁定並  
賜聯額勉以明體達用之學每逢縣試必局門留宿覆至五  
六場所取皆一時知名士又於其中擇尤異者宴之分韻賦  
詩極其優渥與其選者如登瀛洲至今傳爲盛事

劉恒泰號象九山東沂水拔貢道光二十六年知縣事聰明絕  
世才智過人下車受詞舊者兩造具脩卽予判結新者詰其  
情虛當堂擲還摘伏發奸出人意表一時胥吏及堂下觀者

驚愕羣詫爲神甚有懷姦欲試業經蓋戳登號見其英明憚不敢上縣素健訟告期投愬率一二百紙行之一月減去大半及暮寥寥一二十紙而已邑中勢惡土豪盜賊賭棍及一切積爲民害無一不在其胸中因事到案立寘重典併發其他罪惡由是強豪屏息盜風浸衰尤異者稠人廣衆中一識其姓名終身不失縣試考列前茅者十年之久遇之尙能面誦其文在任三年門牆峻而有學行之士禮遇極優陶鑄均而於寒畯之儒栽培獨厚當時憚其丰采或有微辭去後思其勤求民瘼獎絕風清乃皆嘆服至今則統前後數十年之廉仁勤幹較其寔惠在人舉無出乎其右子策先現湖北臬司次某舉人尙禮部會試人以爲食報未有艾云

李吉言號藹堂永平進士咸豐五年冬抵縣適紅賊髮逆先後迭至瑞臨皆陷無路請兵乃走湖南募勇得千人回紮鴻臚第次年春隨同援江楚軍進勦親歷戎行不避鋒鏑克復城池一應供億善後事宜悉委正紳潔已奉公毫不侵染以故兵差絡繹羽檄紛馳措之裕如從無貽悞去之日士民以恩深再造望切重來製聯送之後數年以由同知來署袁守現任福建建甯知府

魏邦達號寔甫廣濟進士咸豐九年莅任爲人恂悞無華終日相對不見其笑容而待人真誠一由中出時邑中多故紳士



率被株連達極力保全正氣賴未磨滅十一年春金陵髮逆  
李成秀統賊十萬連陷撫建吉臨先聲所至居民皆逃遁報  
至亟集紳士辦團已而異軍蒼頭突起連挫賊鋒遂進勦新  
昌克復城池賊奔上高分宜又應調發兵分援以百戰百勝  
捍賊卒敗於蕞爾一小邑此固敵愾情深要非平日有恩義  
以結士心不至此事平大憲以其功上擢同知直隸州知州  
念皆紳士力禁官親募友不得與已復告養回籍其有功不  
伐如此

舊志良牧有趙子孟陳府顧中孚賢佐有伍可受賢學博  
有程惟善文中喻蘭馮穀夏壽生薛致中李一墨凡十一

人以無實績可紀特附載以存其名

